

國立北京大學研究
院文史叢刊第一種

崇禎存實疏鈔

卷八下

心。故曰：心者，身之主也。身者，心之舍也。心者，神之府也。神者，心之使也。心者，神之舍也。神者，心之主也。心者，神之府也。神者，心之使也。心者，神之舍也。神者，心之主也。

皇上勅命地方撫按題劾嚴懲俾百姓實實承

恩庶兵荒之地先登衽席海內蒼黔聞風歌咏是格玄彌慢急著之二也我

皇上踐祚之初時行蠲賑誠以薄稅歛爲愛民要政矣詎自兵興以來百姓寔於逋竄有司困於催科逮降罰嚴而官若與民離敲朴繁而民又若與鄉井離轉樂土爲流離昔

高皇帝當草昧征伐時且無年不蠲賦每蠲至數郡乃

皇上享昇平之世有四海之富顧勢若有不暇給者何也今稅額雖難遽請復舊謂宜令有司每年只催完本年不得先期豫徵滋生怨懟是緩徵甦困急著之三也天下歲額嘗解外鹽課有增稅務有增清驛遞汰冗員比賦逋諸所撙括亦既無遺策矣而何大農猶告匱耶得毋開源節流兩

者疎於並繫宋臣司馬光曰善理財者不過頭會箕歛耳
今軍興費侈凡百工料復多耗蠹漏卮無當江海不能滿
其藏卽今

嚴勅當事李報歲報寧無銖積錙累之耗乎此侵彼攫寧無借
急功以虛糜竟未收壹貳焉實用乎謂宜徹底清察必慎
營造母使

上受加餉之浮名而民受銷靡之實困是理財清蠹急著之四
也我

國家邊腹撫道例有諸弁防禦平居無事誰不謂趙趙桓桓
自負可當一面及試用之茫然也遡漢空幕南之庭唐控
陰山之虜豈必借才異代要在用之得人耳

皇上拊髀求賢誠如漢高立封趙子弟肆人爲將我

太祖得黔中卽令平難之人世守其土自足以鼓豪傑之氣矣謂
宜

特勅撫臣延訪智勇無雙如登壇舉鼎其人者每府確舉壹貳
人試果奇才卽以知人之賞賞之而濫及庸劣者罰必不
貸是選將練兵急著之五也我

國家自奴酋犯順以來計畝加餉以致增之又增彼民也苟
可爲

國家除殘去暴卽剗心剖腹何辭不意奴酋未滅潢池先警
加餉之蠲免無期司農之告匱日甚或解餉未見實用於
遼左而度支旁分於他給夫漢唐盛時皆以府庫充實然
後可以鞭笞四夷臣愚計將所加之餉特

命新餉司專管其事一切工作兵興不得輕動待積蓄充盈然

後選將厲兵一舉成大討之功誠爲滅奴急著之六也我
國家重用科目加意遴選凡祈得士爲

國家藉楨幹焉

社稷護靈長第受任者多負

國恩如前此逆案罪不容誅嗣後失守封疆法難赦宥乃通
來逮繫何多也卽諸臣自干迷謬重違

雨露之恩膏難免

雷霆之震折竊惟關係重大者監候確擬可也其餘註誤等刑
用脫桎梏毋令久困於隸夫獄卒之手固所以養士大夫
之恥心實所以培

國家之元氣況古亦有脫繯綬而爲名卿者則夫慎重於下
獄之初昭雪於沉錮之後如蕭望之鄒陽諸人是聯腹心

手足急著之七也我

皇上諭恤獄囚念蚤楚之下何求不得誠

天地好生之盛心運祚綿長之至計但

皇上登極之初鑒舊政扭於因循故新規務爲綜覈如運解之
侵欺胥吏之舞文種種捍網法難寬宥今亦漸就振刷而
囹圄猶然如市桎梏猶然若林無亦刑官洽於深刻多以
剔鞫爲能捕役以訪緝倖功或有未究其賊真證確者

皇上誠一念及於此寧止下車之泣已哉謂宜辨賈以求真釋
重以從輕寧誤出毋寧誤入悉爲清察是省刑恤命急著
之八也吏兵貳部用人屢奉不拘資格之

旨誠得古立賢無方良意矣乃上之

功令愈峻而下之徑實愈聞此其積習之弊可知也謂宜令吏

部察自道府以及州縣正官非肆伍缺不得遽推而所出之缺置簽於一筒右侍郎主之補缺之人置簽於一筒左侍郎主之左侍郎掣簽呼某人名右侍郎掣簽應補某缺尚書方註某人推補某缺則司官止開其人與缺而不得典染以滋物議其餘寮佐等員司官亦炤此例於郎署公共行之若兵部之推遷亦炤此法是推任公平急著之九也此九者雖無甚奇偉之談可聳

天聽然實爲平定天下之急著而不可頃刻緩者臣待罪西曹飲水陸載莫展一籌往曾以運解擇人恭繹

祖訓貳疏妄陳竝荷

溫旨又前蒙

皇上恩准

惠王特薦臣勞加陞壹本下部感恩既深銜結無地今爲出
守外吏

陞辭不遠是以不識忌諱謬抒其愚伏乞
聖明矜治原治法畱神力行臣伏處天末將快覩
雲龍風虎見於一堂而熙皞昇平垂憲萬世矣臣愚幸甚天下

萬世幸甚

崇禎伍年拾貳月拾貳日

陸年正月貳拾捌日奉

聖旨這本意在効籌語多沿襲該部知道

張王并爲三才叩謝靈本下神恩恩賜榮貴壽域敬奉此

吏部等衙門尚書等官臣李長庚等謹

題爲缺官事炤得提督操江兼管巡江南京都察院右僉都御史唐際盛回籍守制員缺已經具本題

知炤例會官推舉除科道官例不推舉外臣等會同各部都察院通政使司大理寺公推得太僕寺卿馬鳴世順天府府丞張至發俱堪任前缺伏乞

聖明於內

簡用壹員

計開

馬鳴世

張至發

崇禎陸年正月貳拾捌日

貳拾玖日奉

聖旨是馬鳴世陞南京都察院右副都御史提督操江兼管巡

江寫勅與他

吏部等衙門尚書等官臣李長庚等謹

題為欽奉

聖旨事炤得巡撫河南等處地方兼提督軍務都察院右僉都御史樊尚燦回籍守制員缺奉有速推堪任的來用之

旨令炤例會官推舉除科道官例不推舉外臣等會同各部都察院通政使司大理寺公推得太常寺少卿玄默陝西按察司按察使王振奇俱堪任前缺伏乞

聖明於內

簡用壹員

計開

玄默

王振奇

崇禎陸年正月貳拾捌日

貳拾玖日奉

聖旨是玄默陞都察院右僉都御史巡撫河南等處地方兼提督軍務寫勅與他

吏部尚書臣李長庚等謹

題爲缺官事文選清吏司案呈炤得廣東按察司副使兼布政使司右叅議分守嶺西道駐劄高州府城張鑛陞任員缺合當推補察得前缺原係布政司官管理案呈到部炤例推舉得浙江按察司副使王際逵雲南按察司副使閔謹俱堪陞任廣東布政使司右叅政管理前項地方事務伏乞

聖明於內

簡用壹員

計開

王際逵

閔謹

崇禎陸年正月貳拾柒日

貳拾玖日奉

聖旨有點的依擬用

正有

吏部尚書臣李長庚等謹

題爲缺官事文選清吏司案呈
紹得福建布政使司右叅政
兼按察司僉事分巡建南道兼兵備分理軍務何萬化終
養員缺合當推補案呈到部
紹例推舉得浙江布政使司
右布政使王庭梅年肆拾肆歲直隸松江府華亭縣人中
萬曆肆拾壹年進士本年捌月除刑部河南司主事肆拾
伍年伍月陞本部福建司署員外郎事主事本月陞江西
廣信府知府泰昌元年捌月回籍守制天啓叁年肆月起
送到部本年伍月復除江西饒州府知府陸月陞山西按
察司副使并陞兵備肆年玖月回籍守制柒年柒月起送
到部本年玖月復除浙江按察司副使分巡杭嚴道崇禎
貳年正月加陞本省布政司右叅政兼按察司僉事紹舊